
**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO FINANSIJA**

U skladu sa članom 6. Uredbe o kriterijama za finansiranje programa i projekata neprofitnih organizacija i udruženja koji se finansiraju / sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 03/12-Ispravka, 37/13 i 16/14) u cilju zakonitog i transparentnog trošenja budžetskih sredstava, Ministarstvo finansija objavljuje

JAVNI POZIV

za finansiranje programa i projekata neprofitnih organizacija i udruženja iz Budžeta Kantona Sarajevo za 2016. godinu, sa razdjela Ministarstva finansija Kantona Sarajevo

PREDMET JAVNOG POZIVA

Predmet javnog poziva je finansiranje programa i projekata neprofitnih organizacija i udruženja koji se finansiraju/ sufinansiraju iz Budžeta Kantona Sarajevo za 2016. godinu, iz razdjela Ministarstva finansija Kantona Sarajevo (u daljem tekstu : Ministarstvo finansija).

PRAVO UČESTVOVANJA

Pravo učestvovanja po javnom pozivu imaju neprofitne organizacije i udruženja koja za sredstva Budžeta apliciraju u svrhu finansiranja/ sufinansiranja projekata koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo, a čiji programi, projekti i aktivnosti nisu vezani za oblast iz nadležnosti drugih ministarstava (oblast obrazovanja, nauke i mladih, kultura i sport, oblast rada, socijalne politike, raseljenih lica i izbjeglica, zdravstva, boračke zaštite, saobraćaja, zaštite okoliša, privrede, unutrašnjih poslova, zaštite i spašavanja ljudi i materijalnih dobara od prirodnih i drugih nesreća).

KRITERIJI ZA UČESTVOVANJE

Opšti kriteriji za učestvovanje i dokumentacija koja se dostavlja prilikom prijave na javni poziv:

- a) Popunjen obrazac za aplikaciju za finansiranje/ sufinansiranje projekta, koji sadrži: naziv projekta, opis potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet (obrazac prijave preuzeti sa stranici Ministarstva finansija (www.mf.ks.gov.ba)).
 - b) Rješenje o registraciji;
 - c) Uvjerenje o poreskoj registraciji-identifikacioni broj;
 - d) Uvjerenje iz registra udruženja izdato u vrijeme podnošenja prijave za javni poziv (ovo se odnosi za udruženja koja su registrovana na državnom i federalnom nivou);
 - e) Program rada za 2016. godinu sa obrazloženjem;
 - f) Finansijski plan za 2016. godinu;
-

- g) Izvještaj o utrošku sredstava dodjeljenih iz Budžeta Kantona za udruženja koja su bila korisnici budžetskih sredstava u 2015. godini (popunjen i ovjeren Obrazac za dostavu narativnog i finansijskog izvještaja objavljen na web stranici Ministarstva finansija (www.mf.ks.gov.ba).
- h) Uvjerenje o izmirenim poreznim obavezama (ne starije od tri mjeseca);
- i) Uvjerenje o izmirenim porezima i doprinosima za zaposlene (ukoliko ima zaposlenih) (ne starije od tri mjeseca);
- j) Ekonomska ili društvena opravdanost projekta koje udruženje predlaže ili sprovodi (ovjerena i potpisana izjava odgovornog lica);
- k) Organizovanost i broj članova udruženja (ovjerena i potpisana izjava odgovornog lica);
- l) Broj lica koja učestvuju u realizaciji projekta (ovjerena i potpisana izjava odgovornog lica);
- m) Rezultati i uspjesi na kantonalnom, federalnom, državnom i međunarodnim nivou, odnosno broj korisnika obuhvaćen projektom (ovjerena i potpisana izjava odgovornog lica)

Posebni kriteriji:

- da predloženi projekti, programi i aktivnosti nisu vezani za oblast iz nadležnosti drugih ministarstava;
- izjava udruženja o finansiranju udruženja iz drugih izvora ili drugih nivoa vlasti u 2016. godini

Svi dokumenti koji se podnose kao dokaz o ispunjavanju opštih i posebnih kriterija iz ovog poziva moraju biti originalni ili ovjerene kopije.

Prijave koje ne ispunjavaju opšte i posebne kriterije iz ovog poziva neće se razmatrati.

OPŠTE ODREDBE

Prijave na javni poziv podnosi se u pisanoj formi na obrazcu objavljenom na web stranici Ministarstva finansija sa dokazima o ispunjavanju opštih i posebnih kriterija, u zatvorenoj koverti.

Prijave se dostavljaju na protokol Kantona ili poštom, na adresu: Kanton Sarajevo- Ministarstvo finansija, ul. Reisa Džemaludina Čauševića 1., sa naznakom „Prijava za finansiranje udruženja- ne otvaraj“.

Javni poziv se objavljuje u dnevnim novinama „Oslobođenje“ i na internet stranici Ministarstva finansija Kantona Sarajevo (www.mf.ks.gov.ba).

Prijava za finansiranje/sufinansiranje udruženja mogu se podnijeti u roku od 15 (petnaest) dana od dana objavljivanja javnog poziva u dnevnim novinama.



A handwritten signature in blue ink, appearing to be 'M. J.', is located in the bottom left corner of the page.